



**Ndine Njani
Ine Kuti
Karonga
Wafwe
Mu Malo
Ghane?**

Lakulembeka na
Watson Goodman

Buku ili Ndamalonda
Chara — Ndawaka

Ndine Njani Ine?

Mulengi withu wakutimanya ise ndipo vyose vili kulongoreka mu LIZGU Lake la muyirayira umu tingasanga “Uyo Tikalengekera”, “Icho Tikaŵa”, “Uko Tikulongozgekera”, na “Icho Tingaŵa” mwakuzomera chiponosko cha Chiuta.

Wanyake wakuchimanya chara chiponosko cha Chiuta. WANJI wakuchimanya pachoko waka ndipo wakukhumba kuchipapanikizga chomene. Wanyake wakuchitinkha chiponosko cha Chiuta apo WANJI wakuchivumbatira nganganga na chitemwa chose ndipo mukuponoskeka wakusanga kuti wali mwa Yesu Khristu munthu wa nkhangono zakuzukumiska kwa mutata-kuya.

Mzimu wane ngwakwenelera nkhanira umu nkhezomelezgera Mulengi kuti wachite mwa Iye Mwene! Ichi chingaŵa nthaura mwa kumukana Iyo ndipo na kuŵa wambula kwenelela kwa muyirayira swii, panji kumuzomera ndipo na chigo-mezgo kumupulikira pakumuzomerezga Iyo kuti watizgore ise, mwakuti, nga ndi mwali Wake, tisangwe Nayo Mpando Wake wa Ufumu wa muyirayira. —Watson Goodman (1920-2002)

Scripture text reprinted from the *Mazgu Ya Ciuta*, ©1978 United Bible Societies. Used by permission.

Ulato Wenecho Wa

1

Wati Waŵenge Na Mwali Wa Myirayira

Yesaya 62:5

...na mwanakazi mweneuyo-watora, ndimoso Ciuta wako ti-wakondwerenge na iwe.

Penepapo Ufumu wa kucanya uti ulinganizgikenge na vamwali khumi, veneavo vakatora nyali zavo, ndipo vakafuma kuya kate-merera mwene-nthengwa... Ndipo na usiku pakati, kukava ncemerezgo, Henani, mwenenthe-ngwa! —Mateyu 25:1 na 6a

Khristu—Mwene Nthengwa

Yohane 3:29

Uyo wali na mwali ndiyo mwene-nthengwa: kweni mubwezi wa mwene-nthengwa, uyo wakwi-

mirira na kumupuvika, waku-sekerera comene cifukwa ca mazgu ya mwene-nthengwa...

II. Uakorinte 11:2

Nkumunwekerani na kunweka kwa Ciuta; cifukwa nkamujari-riskani ku mwanarumi yumoza, kuti ndimuperekani kwa Kristu nga ndi mwali mutuva.

Ndipo Yesu wakanena navo, Kasi vana va pa nthengwa vanga-manyanya kutengera, nga ndi mwe-nthengwa wacali navo? Kweni mazuva yati yizenge, para mwe-ne-nthengwa wamkuwuskikako kwa ivo, penepapo ndipo va-mkuzivizga. —Mateyu 9:15

2 Ichi Ndicho Chifukwa Chiuta Wakalengera Munthu Mu Chikozgo Chake

*Kulije Kawiro Kakuchepa Kakuti
Kakwanire Kuwa Mwali Wake*

Genesis 1:27

Ciuta wakalenga muntu mu cikozgo cake, mu cikozgo ca Ciuta wakamulenga; wakalenga ivo, mwanarumi na mwanakazi.

Uaefeso 1:4

Nga ndi umo wakatisorera mwa Iyo caru cikava cindazikike, mwakuti tivenge vatuva na vambura kalema pa maso pake mu kutemwa.

Wakwenerera Kusangana Na Chiuta
...mwakuti na vyeneivi muve vakusangana kaviro ka Ciuta.
—II. Petros 1:4... naneso waku-

sangana nawo ucindami uwo wizamkuvumbukwa.—I. Petros 5:1... na vakusangana va cilayizgano ca mwa Kristu Yesu mu ivangeli.—Uaefeso 3:6... vevneavo vakatenereska kusangana cihariro ca vatuva mu kungweruka.—Uakolose 1:12... pakuti avo vakovwirika mu kuteveta kwavo mbakupulikana na vakutemweka.—I. Timote 6:2 Cifukwa tazgoka vakusangana va Kristu... —Uahebere 3:14... ndipo vakazgoka vakusangana va Mzimu Mutuva.—Uahebere 6:4... mwakuti tive vakusangana va utuva wake.—Uahebere 12:10

Genesis 9:6

... pakuti mu cikozgo ca Ciuta Iye wakamulenga muntu.

Milimo 17:24-29

Ciuta Uyo wakata caru, na vyose vya mwenemumo. ... pakuva Mweneco wakupa ku vose umoyo na muvuci na vintu vyose; ndipo wakacita mu yumoza mitundu yose ya vantu kukhala pacanya pose pa caru ... mwakuti vamupenje Ciuta, usange panji vangamupapaska na kumusanga, ndipo uli kuti wali kutali na muntu yose wa ise cara: pakuti mwa Iyo tiri vamoyo, tikwenda, tiriko; nga ndi umoso vakwata-sumu vanji mwa imwe vali kutiri,

Cifukwa tiriso mpapu yake. Pakuva nteura mpapu ya Ciuta, kuti tiri kwenera cara kuyanayana kuti Uciuta ukukozgana na goli-de, panji siliva, panji libwe, vyakuvajika na mahara na vinjeru vya muntu.

Adam, Wakalengeka Muchikozgo Cha Chiuta, Wakenera Kuti Wakawara Na Uchindami Ngati Uchindami Wa Chiuta

Mateyu 17:1, 2

Yesu ... ndipo wakasanduka pa maso pavo: ndipo cisko cake cikavala nga ndi dazi, ndipo minjirira yake yikabuta nga nkungwe-ruka.

4 Kufuma Ku Utuwa Kuluta Ku Kwananga Na Ku Mdimba

Cifukwa yali kulembeka, Muti muvenge vatuva; pakuti Ine ndine mutuva. —I. Petros 1:16

Uaroma 3:23; 5:19

Cifukwa vose vali kwananga, ndipo valive kufikapo pa uci-ndami wa Ciuta. . . . Cifukwa nga ndi umo vanandi vakazgokera vakwananga cifukwa muntu yumoza wakawura kupulikira, nteura ndimo vanandi vati vazgokerenge varunji cifukwa muntu yumoza wakapulikira.

Mtima ngwakupusika kwakuruska vyose, nguheni wambura kulorako; ndinjani wangaumanya? —Yeremiya 17:9

Genesis 6:5

Ciuta wakawona uheni wa vantu kuti ukava ukuru mu caru, na kuti maranguruko yose ya mayanoyano ya mitima yavo yakava yaheni pera ruta-ruta.

Luka 13:27

. . . ndipo Iye watenge, Nkumuphalirani, ndirive kumumanyani uko mwafuma; fumaniko kwa Ine, imwe mukucita uheni.

Yohane 3:19

Ndipo njeruzgo ndi iyi, kuti Kungweruka kuli kwiza mu caru, ndipo vantu vakatemwa cisi kwakuruska Kungweruka; cifukwa milimo yavo yikava yiheni.

*Thupi Liri Kuwa Ku Kwananga
Ndipo Ndikazuzgi*

Yesaya 64:6

Tose tiri nga ndi uyo wafipirwa,
urunji witu wose uli nga ndi
viswaswa vya unyankasi. . . .

*Nyifwa Ya Muyirayira Yiri Pa Ine
Uaroma 5:12*

Nteura nga ndi umo kwananga
kukanjirira mu caru na muntu
yumoza, ndipo mu kwananga
mukizira nyifwa; ndipo nteura
nyifwa yikambukira ku vantu
vose, cifukwa vose vakananga.

*Ndine Wakweruzgika
Uaroma 5:18*

Nteura nga ndi umo vantu vose
vakeruzgikira cifukwa ca kupu-

ruka kwa muntu yumoza, ndipo
vakasukika

Kwananga Kwanikora Umikoli

Kweni nkuwona dango linyake
mu vivaro vyane ilo likurwa na
dango la vinjeru vyane, ndipo
likundizgora wa mikoli wa dango
la kwananga ilo liri mu vivaro
vyane. —Uaroma 7:23

*Kwananga Kukupatula Munthu
Na Chiuta
Yesaya 59:2*

Kweni viheni vinu vyamupatu-
lani kwa Ciuta winu

*Na Mupatawula Kwa Chiuta
Uaroma 14:12*

Nteura ise tose yumoza yumoza
tizamkujipataulira kwa Ciuta.

*Mukuwa Kwa Thupi Ku Kwananga,
Ndiri Ngati Dongo, Uteka, Mvuchi*
Yesaya 64:8

Kweni sono, aYehova, ndimwe Uadada; tiri dongo ise, ndimwe muwuvi witu; tose tiri mlimo wa woko linu.

I. Petros 1:24

Cifukwa, thupi lose la nyama liri nga mbuteka, ndipo ucindami wake wose uli nga mburuva wa uteka. Uteka ukomira, ndipo uruva ukurakata.

Yakobe 4:14

Umoyo winu ncici? pakuti muli muvuci uwo ukuwoneka kantini waka, ndipera ngaukuwalalikira. Kweni muli kwenera kunena.

*Ningaŵa Wakukhalira Swii Na
Umoyo Wamuyirayira
Mwa Khristu*

Ndipo yose uyo ngwamoyo ndipo wakupulikana na Ine, kuti wati wafwenge cara mazuva yose swi.
—Yohane 11:26

Uyo wakupulikana na Mwana wa Ciuta wali na cipanikizgo mwa mweneco: uyo wakuwura kupulikana na Ciuta, wamuzgora mutesi; pakuti walive kupulikana na cipanikizgo ico Ciuta wamupanikizgira Mwana wake. Ndipo cipanikizgo ndi ici, cakuti waka-tipa umoyo wa muyirayira, ndipo umoyo weneuwu uli mu Mwana wake.
—I. Yohane 5:10, 11

Yinuskani mitu, 'mwe vipata!
Yinukirani mcanya, 'mwe vijaro
vya mwaka! Mwakuti Themba la
Ucindami linjire. Kasi Themba la
Ucindami ndinjani? Yehova wa
nkongono na wa mankharo,
Yehova cinkhara mu nkondo!
Yinuskani mitu, 'mwe vipata!
Yinukirani mcanya, 'mwe vijaro
vya mwaka! Mwakuti Themba la
Ucindami linjire! Kasi ndinjani
Themba la Ucindami? Yehova wa
mipingo, ndiye Themba la Uci-
ndami! —Masalmo 24:7-10

I. Timote 6:14-16

...mpaka Kuwoneka kwa
Fumu yitu Yesu Kristu: ...
Mweneuyo yeka na yeka ndi

Mwenenkongono, wakitumbiki-
ka, Karonga wa vakaronga, na
Fumu ya mafumu, Mweneuyo
yeka na yeka ngwakukhalirira
swi, wakukhala mu kungweruka
kwambura masenderereko,
Mweneuyo palive muntu wali
kuwona, nesi wangamanya kumu-
wona; ndiyo wacindikikéngé,
ndipo wavenge na nkongono za
muyaya. Amen.

*Karonga Uyu Tiwaŵenge Themba
Mu Charu Chose Cha Pasi
Zekariya 14:9*

Yehova tiwavenge Themba la
caru cose capasi; mu zuva ilo
kwamkuva Yehova yumoza na
zina lake limoza.

8 Yesu Khristu Wakuphara Pakweru Za Ufumu Wake

Yohane 18:36, 37

Yesu wakazgora, Ufumu wane kuti ngwa caru cino cara: Ufumu wane uvenge wa caru cino, mphanyi vantu vane vapota homwa, kuti ndireke kuperekeka ku Uayuda: kweni sono Ufumu wane kuti ngwa pano cara.

Marko 14:61, 62

Kweni wakati waka cete, ndipo kuti wakazgora kantu cara. Msofi Mukuru wakamufumbaso na kumena nayo, Kasi ndiwe Kristu, Mwana wa Mutumbikiki? Yesu wakati, Ndine: ndipo muti muwo-

nenge Mwana wa Muntu waku-khala ku maryero ya Nkongono, na kwiza mu mabingu ya kucanya.

Mateyu 25:31 na 34

Kweni para Mwana wa Muntu wati wizenge mu ucindami wake, na vangelo vose pamoza nayo, penepapo wizamkukhala pa cizumbe ca ucindami wake... Penepapo Karonga wati wavanenenge va ku maryero, Zanninge, mwa vakutumbikika va Uadada, muhare Ufumu uwo ukamunozgerani kufuma ku mtendeko wa caru.

Kweni na Mwana wakuti, cizumbe cinu, Ciuta 'mwe, nca muyirayira na muyirayira; ndodo ya. Ufumu winu ndi ndodo yakunyoroka. —Uahebere 1:8

Daniel 4:37

Sono ine, Nebukadnezar, nkurumba na kukuzga na kucindika Fumu ya kucanya; pakuti milimo yake yose njanenesko na ntowa zake nzakunyoroka; ndipo avo vakwenda mu kujikuzga Iye wali na mazaza kuvacefya.

Mateyu 18:3, 4

Nadi nkumunenerani, Kwambura kuti muŵanamuke, na kuzgoka nga mbanici, kuti muti munjirengemo mu Ufumu wa kucanya

cara. Nteura yose uyo wajipepurenge nga ndi mwanici uyu, ndiyo mukuru mu Ufumu wa kucanya.

...Ufumu wa caru wazgoka wa Fumu yitu na wa Kristu wake: ndipo yiti yivusenge muyirayira swi. —Civumbuzi 11:15

Uaefeso 1:18, 19

Apo maso ya mtima winu yali kungweruskika, kuti mumanye ico ncigomezgo ca kucema kwake, na umo uriri usambazi wa uci ndami wa cihariro cake ca mu vatuva, na umo uriri ukuru comene nkanira wa nkongono zake kwa ise ta vakupulikana, kwakulingana na kacitiro ka nkongono za mankharo yake.

Yohane 17:2

Nga ndi umo muli kumupira mazaza pa vantu vose, kuti wavape Umoyo wa muyirayira vose avo muli kumupa.

I. Petros 3:22

Uyo waruta kucanya, ndipo wali ku woko la maryero la Ciuta; pakulambikika kwa Iyo vangelo na mazaza na vya nkongono.

Uaefeso 1:20-23

Keneako wakacita mwa Kristu, para wakamuwuska ku vakufwa, ndipo wakamukhalika ku maryero yake mu vyakucanya, pacanya nkanira pa kweruzga kose, na mazaza, na nkongono, na ufu-

mu, na zina lose ilo likuzunulika, mu nyengo ya sono pera cara, kweniso na mu nyengo iyo yikwiza: ndipo wakalambika vyose kusi ku marundi yake, ndipo wakamupereka kuti wave Mutu wa pacanya pa vyose ku Ekleziya, ilo ndi Thupi lake, uzali wa Mwe-neuyo wakuzuzga vyose mu vyose.

Yohane 2:24, 25

Kweni Yesu kuti wakajigomezgera kwa ivo cara, cifukwa Iye wakamanya vose, ndipo kuti kukakumbikwa cara kuti yunji wapanikizge vya muntu; cifukwa Mweneco wakamanyanga ivyo vikava mu muntu.

Usambazi, Nkhongono, Na Vinjeru Vya Muyirayira 11

Civumbuzi 5:12

Wakwenerera ndi Mwana-mberere uyo wakakomeka kupokera nkongono, na usambazi, na vinjeru, na mankharo, na tumbiko, na ncindi, na rumbo.

Mateyu 28:18

Ndipo Yesu wakiza wakayo-woya nayo, wakati, Mazaza yose yapika kwa Ine kucanya na pasi.

I. Uakorinte 8:6

Kweni kwa ise kuli Ciuta yumoza, Uawiske, mwa ku Mweneuyo mukufuma vintu vyose, na ise kwa Iyo; na Fumu yimoza, Yesu Kristu, mwa ku Mweneuyo muli vintu vyose, na ise mwa Iyo.

Civumbuzi 11:17

Vakati, Tikumuwongani, Fumu Ciuta 'mwe, Mwenenkongonozose, Imwe muliko ndipo mukavako; Pakuti Imwe mwajitorera nkongono zinu zikuru, ndipo mukavusa.

Uakolose 2:2, 3

Kuti mitima yavo yikhwimiskike, uku vakulungika pamoza mu kutemwa, na kufikira ku usambazi wose wa kuzara kwenekwene kwa kumanyiska, kuti vamanye camucindindi ca Ciuta, Uawiske va Kristu, mwa Mweneuyo viri kubisika vyakuzirwa vyose vya vinjeru na kamanyiro.

12 Vyakunthazi Vya Fumu Ya Uchindami

Masalmo 72:8 na 11

Wavusenge kufuma ku mbwani dera kuno kufikira na ku mbwani dera kura, ndiposo kufuma ku Mronga mpaka ku mpererekezo za vyaru! . . . Enya, mafumu yose yamulambirenge, mitundu yose yimuteveterenge!

Masalmo 2:2-4 na 6-8

Mafumu ya caru yakujimikira, ndipo vakuru vakukhalira wupu kwimikana na Yehova ndipo na Wakuphakika wake, kuti, "Tiwatulenge magwedi yavo, na kuwuskapo pa ise vikondo vyavo." Yehova wakucanya ndiye tiwaseke; fumu tiyiverurenge. . . . Kweni ine ndakhalika Fumu yane

pa Zion, lupiri lwane lwakupatuliika. Nditindiphare langulo: Yehova wakanena nane, "Iwe ndiwe mwana wane; mhanya wuno ndakubaba. Undirombe ndipo tindikupe vamtundu kuva ciharo cako, na mpererekezo za caru kuva civeto cako.

Yeremiya 10:7 na 10

Ndinjani wambura kopa Imwe, Themba la vamtundu? uko kwenerera Imwe; cifukwa mukati mwa vavinjeru va vamtundu, ndipo mu mafumu yavo yose mulije yumoza wakukozgana na Imwe. . . . Kweni Yehova ndiyo Ciuta wa nenesko; Ciuta wa umoyo, themba la muyirayira. . . .

Masalmo 95:3

Pakuti Yehova ndi Ciuta mukuru, ndipo ndi Themba likuru lakuruska vaciuta vose.

Mateyu 24:30

...ndipo penepapo mitundu yose ya pano pasi yiti yitengerenge, ndipo yiti yiwonenge Mwana wa Muntu wakwiza mu mabingu ya kucanya na nkongono na ucindami ukuru.

Civumbuzi 4:11

Uakwenerera ndimwe, Fumu yitu na Ciuta witu, kupokera ncin-di na tumbiko na nkongono: Pakuti Imwe mukalenga vyose, Ndipo cifukwa ca khumbo linu vikavako, ndipo vikalengeka.

Yesaya 42:8

Ine ndine Yehova; ili ndilo zina lane; ucindami wane kuti ndipe-nge munyake cara, nesi ma marumbo yane ku vikozgo vyakuwaja.

I. Timote 1:17

Kweni ku Karonga wakukhalirira swi, wambura kwanangika, wambura kuwoneka, Ciuta Uyo njeka na yeka, kuvenge ncin-di na ucindami muyirayira swi. Amen.

*Wakusangana Uchindami Wake
Na Mwali*

Yohane 17:22

Ndipo ucindami weneuwo mwandipa, Ine nkavapa ivo

Yesaya 9:7

Wandanyi wa ufumu wake na wa cimango kuti wamkumara cara . . .

Yesaya 45:9, 10-13

“Okwe, soka kwa mweneuyo wakulimbana na Mulengi wake! . . . Soka kwa uyo wakuti kwa wiske, Kasi ukubabaci? Panji ku mwanakazi, Kasi ncici ico cikukupweteka?” Nteura ndimo wakunenera Yehova, Mutuwa wa Israel na Mulengi wake: “Kasi iwe undifumbe Ine na vintu ivyo tivizenge, panji kundilangulira na mlimo wa mawoko yane? Ndine nkalenga caru; na kulengaso vantu pa caru; mawoko yane ndiyo

yakatandaula mitambo, ndipo Ine nkaulangulira wumba wavo. Ndine ndamuwuska Cyrus mu urunji, tindimunyoroskere ntowa zake zose”

Daniel 7:14

Kwa iye kukapika kuvusa na ncindi na ufumu, kuti vantu vose, vemitundu yose, na mayowoyero yose vamuteveterere; kuvusa kwake nkwa muyirayira, uko kuti kumare cara, ndipo ufumu wake kuti uparanyikenge cara.

Therani Kulungulo Lake!

Masalmo 72:11

Enya, mafumu yose yamulam birenge, mitundu yose yimuteveterenge!

Fumu Ya Uchindami Yikafwira Ine!

15

I. Petros 3:18

Pakuti Kristu nayo wakakomwera zakwananga kamoza, murunji cifukwa ca vakubendera, mwakuti watitorere kwa Ciuta; wakakomeka mu thupi, kweni wakazgoka wamoyo mu mzimu.

Uagalatiya 1:3, 4

... na Fumu yitu Yesu Kristu, Uyo wakajipereka cifukwa ca zakwananga zitu, mwakuti wataske mu nyengo yino yiheni, kwakuyana na khumbo la Ciuta witu na Uadada.

I. Yohane 3:16

Na ceneici tikumanya kutemwa, cifukwa Iye wakativikira pasi umoyo wake.

I. Uakorinte 1:18

Cifukwa mazgu ya mpinjika mbucindere kwa avo vakuparanyika; kweni kwa ise ta vakuposkeka ndi nkongona za Ciuta.

Kuphalika Kwa Malo, Ndipo Nakaŵiro Ka Nyifwa Na Chiuka

Mateyu 20:18, 19

Wonani, tikukwerera ku Yerusalemu; ndipo Mwana wa Muntu wamkuperekeka ku Uasofi Uarara na ku Ualembi; ndipo vamkumususka na ku nyifwa, vamkupereka ku Uamitundu kuti vamugoske, na kumutyapula, na kumupayika, ndipo wati wawuskike para yajumpapo mazuva yatatu.

16 Zakuzirwa Ndopa — Ngwakuzirwa Mponoski

Uaefeso 2:13

Kweni sono mwa Kristu Yesu imwe kale mukava kutali muli ku-senderezgeka pafupi mu ndopa za Kristu.

Uaheberere 10:19, 20

Nteura, mwa vabali, uku tiri na cikanga kunjira mu Malo Yatuva na ndopa za Yesu, mu ntowa iyo wakatipatulira ise . . .

I. Petros 2:6, 7

. . . Ehena, nkuvika mu Ziyoni libwe leneco la cingodya, lakusoreka, lakuzirwa; ndipo mwe-neuyo wakupulikana nayo kuti wati wakhozgekenge soni cara. Nteura kuzirwa kwake nkwinu kwa imwe mwa vakupulikana . . .

Uakolose 1:20

Ndipo kuti vaviphemanske mwa Iyo vyose ku Ueneco . . .

Civumbuzi 1:5

. . . Mweneuyo wakutitemwa, ndipo wakatisutula ku zakwananga zitu na ndopa zake.

II. Timote 3:15

Ndipo kuti kwamba ku wanici wako wamanya Malembo yatuva, yeneayo yakumanya kukufiskira mu vinjeru ku ciponosko mu cipulikano ico ciri mwa Kristu Yesu.

Mwene Nthengwa Wakupenja

Mwali Wake

Cifukwa Mwana wa Muntu wakiza kapenja na kuponoska ico cikazgeva. —Luka 19:10

Khristu Wakatonda Nyifwa Ya Chiwiri Ndiposo 17 Na Hadesi Kuti Wanditaske Ine Kufuma Kwa Ivyo

Nkhenerera Nyifwa Ya Muyirayira
... mzimu uwo ukwananga,
utiufwenge. —Ezekiel 18:4

Uaroma 5:12

Nteura nga ndi umo kwananga kukanjirira mu caru na muntu yumoza, ndipo mu kwananga mukizira nyifwa; ndipo nteura nyifwa yikambukira ku vantu vose, cifukwa vose vakananga.

Cifukwa njombe ya kwananga ndi nyifwa ... —Uaroma 6:23

*Wakatonda Nyifwa Chifukwa
Cha Ine*

II. Timote 1:8-10

Nteura ungavanga nawo na soni ukaboni wa Fumu yitu, nesi

na ine nda wakukakika wake: kweni ukuntirepo visuzgo pamoza nane mu ivangeli kwakuyana na nkongono za Ciuta; Mwene-uyo wakatiponoska, ndipo wakaticema na ncemo yituba, kwakuyana na milimo yitu cara, kweni kwakuyana na dazgo lake na ucizi wake, uwo ukapika kwa ise mwa Kristu Yesu penepapo zindayambe nyengo za ciyamwaka.

Ine ndine Wakudanga na wakumarira, na Wamoyo; ndipo nka-va wakufwa, ndipo ehena, ndiri wamoyo muyirayira swi, ndipo ndiri na vijuriro vya Nyifwa na Hadesi. —Civumbuzi 1:18

18 Karonga Wakapeleka Chiponosko Kwa Wanangwa Kwa Wose Awo Wakuchikhumba Na Mitima Yawo Yose

I. Uakorinte 15:3

... Kristu wakafwira zakwananga zitu kwakuyana na Malembo.

... kuti muliskenge Ekleziya la Ciuta, ilo wali kuligura na ndopa za Mweneco. —Milimo 20:28

Yohane 10:11

Ine ndine Muliska Muweme: muliska muweme wakuvikira pasi umoyo wake cifukwa ca mberere.

II. Uakorinte 5:15

Ndipo wakavafwira vose mwakuti avo mbamoyo, vareke kujikhalira veka, kweni Mweneuyo wakavafwira na kuwukirasu.

Mweneuyo Uaprofeti vose vakamupanikizgira, kuti yose uyo wakupulikana nayo wakupokera mu zina lake kugowokereka kwa zakwananga. —Milimo 10:43

II. Petros 3:9

Fumu kuti njakuziulika cara na cilayizgano cake, umo vanji vakutiri nciziulika; kweni nja ucivindwe kwa imwe, njambura kukhumba kuti vanji vaparanyike, kweni kuti vose vafikeko ku ciñanamuka mu mtima.

Muti mundipenje na kundisanga; para mukundipenja na mtima winu wose. —Yeremiya 29:13

Masalmo 45:6, 7

Citengo cako cakwa Ciuta, nca-ndanda. Ndodo ya ufumu wako njaukongorekwa; watemwa urunji na kutinka uheni. Nteura Ciuta, Ciuta wako, wakuphaka-za na mafuta yakukondwera- ra kujumpa vanyako.

Panji asi mukumanya kuti va- heni kuti vamkuharira Ufumu wa Ciuta cara? . . . —I. Uakorinte 6:9

Cifukwa avo mba thupi vaku- yanayanira vya thupi; kweni avo mba mzimu vakuyanayanira vya mzimu. Cifukwa kuyanayanira vya thupi ndi nyifwa, kweni kuya- nayanira vya mzimu mbumoyo na mtende. Pakuti kuyanayanira

vya thupi mburwani na Ciuta, ci- fukwa kuti kukulambira Marango ya Ciuta cara, ndipo nadi kulive kumanya kuyalambira: ndipo avo vali mu thupi kuti vakumanya cara kukondweska Ciuta. Kweni imwe kuti muli mu thupi cara, kweni mu mzimu, usange nadi Mzimu wa Ciuta wakukhala mwa imwe. Kweni muntu uyo walive Mzimu wa Kristu kuti ngwake cara. —Uaroma 8:5-9

Mwa vanakazi va urevi, kasi mulive kumanya kuti ubali wa caru mbulwani na Ciuta? Nteura uyo wakukhumba kuva mbali wa caru, wakujizgora mulwani wa Ciuta. —Yakobe 4:4

Milimo 8:36, 37

Uacali kwenda mu ntowa, vakafika pa maji yanji; ndipo nthunguli yikati, Yara ndi maji; ncici cikundikanizga kubapatizika? Ndipo vaviri wuwo, Filipu na nthunguli, vakikhira mu maji; ndipo wakayibapatiza. . . .

Zintharika 28:13

Uyo wakubisa zakwananga zake kuti tiwawe na mwavi cara, kweni uyo wakuzizomera na kuzireka tiwapokere lusungu.

I. Yohane 4:16

Ndipo ise tikumanya, ndipo tapulikana na kutemwa uko Ciuta watitemwa nako. Ciuta nkutemwa; ndipo uyo wakukhala mu

kutemwa, wakukhala mwa Ciuta, ndipo Ciuta wakukhala mwa iyo.

Yohane 1:12

Kweni vose avo vakamupokerrera, wakavapa mazaza yakuvira vana va Ciuta . . .

. . . ndipo uyo wakupokerera Ine, wakupokerera Uyo wakandituma. —Yohane 13:20

I. Uakorinte 2:5

Mwakuti cipulikano cinu cireke kuva mu vinjeru vya vantu, kweni mu nkongono za Ciuta.

Nteura Yesu wakanena na Uayuda avo vakapulikana nayo, Usange mukukhalirira mu mazgu yane, ipo muli vasambiri vane nadi. —Yohane 8:31

Chiponosko Ndi Ubali Wamoyo Ndipo Na 21 Wenenawene Wa Khristu

Uaefeso 3:19

Na kumanya kutemwa kwa Kristu uko kukujumpa kamanyiro, kuti muzugike kufikira na ku uzali wose wa Ciuta.

Uaroma 8:10

Ndipo usange Kristu wali mwa imwe, nanga thupi ndakufwa cifukwa ca kwananga, ndipo uli mzimu ngwa moyo cifukwa ca urunji.

Kweni imwe mukureka kupulikana, cifukwa kuti muli va mu mberere zane cara. Mberere zane zikupulika mazgu yane, ndipo Ine nkuzimanya, ndipo zikundi-

ndezga: nkuzipa Umoyo wa muyirayira. —Yohane 10:26-28

II. Timote 1:12

Cifukwa ca ceneico nkukomwaso mu vyeneivi: ndipo uli ndiri na soni cara; cifukwa nkumanya Mweneuyo ndapulikana nayo, ndipo ndamanyiska kuti ngwa nkongono zakusungirira cakupazgika cane lisuke lize Zuva lira.

I. Petros 4:19

Nteuraso veneavo vakukomwa kwakuyana na khumbo la Ciuta vapereke mizimu yavo mu kucita uweme ku Mlengi wakugomezgeka.

22 Kubabikaso — Kutewetera Fumu Kwa Wanangwa

I. Yohane 5:5

Ndi njani uyo wakutonda caru? asi ndi mweneuyo wakupulikana kuti Yesu ndi Mwana wa Ciuta?

Yohane 1:13

Avo kuti vakababika na ndopa cara, nanga na khumbo la thupi, nanga na khumbo la mwanarumi, kweni na Ciuta.

Yohane 8:32

Ndipo muti mumanyiskenge unesko, ndipo unesko uti umuzgorani vanangwa.

II Uakorinte 3:17

Ndipo Fumu ndi Mzimu: ndipo penepapo pali Mzimu wa Fumu, penepapo pali wanangwa.

Yohane 8:36

Nteura usange Mwana wamkumuzgorani vanangwa, muti muvenge vanangwa nadi.

Uaroma 6:18 na 22

Ndipo pakufwatulika ku kwananga, muli kuzgoka vazga va urunji. . . . Kweni sono paku-sutulika ku kwananga na kuzgoka vazga va Ciuta, muli na vipambi vyinu ivyo vikurazga ku utuva, na umariro ndiwo umoyo wa muyirayira.

Uagalatiya 5:1

Kristu wakatisutulira mwakuti tive vanangwa; nteura ngangamikani, ndipo rekani kukakikaso mu goriwori la wuzga.

Civumbuzi 1:5, 6

... Mweneuyo wakutitemwa, ndipo wakatisutula ku zakwananga zitu na ndopa zake; ndipo wakatizgora tive Ufumu, vasofi kwa Ciuta wake na Dawiske; kwa Iyo kuvenge ucindami na nkongono muyirayira swi. Amen.

I. Uakorinte 6:9-11

Panji asi mukumanya kuti vaheni kuti vamkuharira Ufumu wa Ciuta cara? Mungapusikikanga: nanga manyi mbazayali, manyi mbakusopa vikoongo, manyi mbarevi, manyi mbauyaya, manyi mbakukazuzgana vanarumi pera, manyi mbankhungu, manyi mbakudokera, manyi mbarovevu,

manyi mbakutuka, panji nesi vakukwapula, kuti vamkuharira Ufumu wa Ciuta cara. Ndipo nteura ndimo mwa vanyake mukavira: kweni mukasambiskika, kweni mukatuviskika, kweni mukarunjiskika mu zina la Fumu Yesu Kristu, na mu Mzimu wa Ciuta witu.

I. Uakorinte 6:2

Asi mukumanya kuti vatuva vati veruzge caru? ...

Malo Ghakukwezgeka, Ghakuzirwa

Mwakuti vose vavenge vamoza; nga ndi umo Imwe, Uadada, muri ri mwa Ine, na Ine mwa Imwe, kuti ndimo navoso vavirenge mwa ise . . . —Yohane 17:21

Yohane 17:23

Ine mwa ivo, na Imwe mwa Ine, mwakuti vafiskikire mu umoza; mwakuti caru cimanye kuti mukandituma, ndipo kuti mukavatemwa nga ndi umo mukanditemwera Ine.

Yehova wali pafupi na vose avo vakumucema, avo vakumucema mu unenesko. —Masalmo 145:18

II. Uakorinte 6:16

Tempele la Ciuta liri na kuzomerezgana uli na vikozgo? cifu kwa ise tiri Tempele la Ciuta wamoyo; nga ndi umo Ciuta wakayowoyera kuti, Nditi ndikhallenge mwa ivo, nditi ndendenge mwa ivo, ndipo nditi

ndivenge Ciuta wavo, ndipo ivo vati vavenge vantu vane.

I. Petros 4:13

Kweni mumo mukusanganira vipyo vya Kristu, musekerere; mwakuti pa kuvumbukwa kwa ucindami wake napo mwize kasekerera na cimwemwe cikuru.

I. Yohane 1:3

... ndipo nadi wenenawene witu uli na Uawiske, ndipo na Mwana wake Yesu Kristu.

Para ukwenda mkati mwa maji Ine tindivenge nawe; mkati mwa mironga nta yamkukubizga; para ukwenda mkati mwa moto nta tiupyenge, dimi la moto nta likocenge. —Yesaya 43:2

Ubali Pakati Pa Khristu Na Wachipulikano 25 Waneneska

Yohane 14:20

Mu zuva leneilo muti muma-nyenge kuti Ine ndiri mu Uadada, ndipo imwe mwa Ine, na Ine mwa imwe.

*Jando La Maghanoghano Ghithu
Ni Langulo Lake La Umaliro*

Civumbuzi 22:17

Ndipo Mzimu na Mwali vakuti,
Zanga. . .

Mateyu 28:19, 20

Nteura rutaninge mukasa-
mbizge mitundu yose, mukava-
baptize mu zina la Uawiske na la
Mwana na la Mzimu Mutuva:
muvasambizge kukoreska vyose

ivyo ndamulangulirani: ndipo
wonani, Ine ndiri namwe mazuva
yose mpaka ku Umariro wa
Mgonezi.

*Urunji Wa Watuwa Ndi Urunji
Wa Khristu Uyo Wakukhala
Mukati Mwawo*

Avo Ciuta wakakhumba kuva-
manyiska umo uriri usambazi wa
ucindami wa camucindindi ici mu
Uamitundu, ceneico ndi Kristu
mwa inwe, cigomezgo ca uci-
ndami. —Uakolose 1:27

Uaroma 10:4

Cifukwa Kristu mbumariro wa
Dango wakumutorera urunji yose
uyo wakupulikana.

26 Lusungu Lwa Ntheura, Chitemwa Cha Ntheura Ndipo Na Uchizi Wa Ntheura!

I. Petros 1:3

Wacindikike Ciuta na Wiske wa Fumu yitu Yesu Kristu, Mweneuyo kwakuyana na lusungu lwake lukuru wakatibabiraso ku cigomezgo camoyo na ciwuka ca Yesu Kristu ku vakufwa.

Uaheberere 4:16

Nteura tisenderere na cikanga ku cizumbe ca ucizi, mwakuti tipokere lusungu, ndipo tisange ucizi wakutovwira mu nyengo ya usokwano.

Uaefeso 2:4-7

Kweni Ciuta, pakuva musambazi mu lusungu cifukwa ca kute-

mwa kwake kukuru uko wakati-temwa nako, inya para tikava vakufwa mu majuvyo yitu, wakaticitira vamoyo pamoza na Kristu (mwaponoskeka na ucizi), ndipo wakatiwuskira pamoza na Iyo, ndipo wakatikhalika pamoza na Iyo mu vyakucanya, mwa Kristu Yesu: kuti mu zinyengo izo zikwiza warongore usambazi weneukuru wa ucizi wake wa mu ulemu kwa ise mwa Kristu Yesu.

Uaroma 3:24

Ndipo vali kurunjiskika kwawangwa na ucizi wake mu uwombazi uwo uli mwa Yesu Kristu.

Uagalatiya 4:4, 5

Kweni nyengo yikati yafikira nkanira, Ciuta wakatuma Mwana wake, wakubabika na mwanakazi, wakubabika pasi pa Marango, kuti wavawombole avo vakava pasi pa Marango, mwakuti tipokereke na kupimika nga mbana.

Ehena, nkutemwa uli Uawiske watitemwa nako, kuti ticemeke vana va Ciuta . . . —I. Yohane 3:1

Wahaliri Wa Chiuta
Civumbuzi 21:7

Uyo wakutonda wati waharengenge vyeneivi; ndipo nditi ndive-nge Ciuta wake, ndipo iye wati wavenge mwana-msepuka wane.

Ndipo cifukwa muli vana, Ciuta

wakatuma Mzimu wa Mwana wake mu mitima yitu, kucemereza, Abba, ndiko kuti Uadada. Nteura kuti ucali muzga cara, kweni mwana; ndipo usange uli mwana, ipo uliso muhariri mwa Ciuta. —Uagalatiya 4:6, 7

Uaroma 8:17

Ndipo usange tiri vana, tiriso vahariri; vahariri va Ciuta, na vakuharira pamoza na Kristu; usange nadi tikukomwera pamoza na Iyo, mwakuti ticindikikeso pamoza na Iyo.

Ndipo usange muli va ku Kristu, ipo muli mpapu ya Abrahamu, na vahariri kwakulingana na layizgano. —Uagalatiya 3:29

Chiuta Wakasimikizga Kawiro Kake Ku Wana Wake

Uaroma 8:28, 29

Ndipo tikumanya kuti avo vakutemwa Ciuta vintu vyose vikuvacitira uweme pamoza, venaavo vakucemeka kwakuyana na dazgo lake. Pakuti avo wakavama nyira nkanira, wakavimikiraso nkanira mwakuti vave vakulingana na cilinganizgo ca Mwana wake, kuti Iye wawe Mukuru wa vabali vanandi.

Muwe Wakugowokera

Luka 23:34

... Ndipo Yesu wakati, Uadada, muvagowokere; cifukwa valive kumanya ico vakucita. ...

Tewetani Nga Ndi Khristu

Luka 22:27

... Kweni Ine ndiri mukati mwinu nga ndi uyo wakuteveta.

Yendani Muchitemwa Cha Khristu

Nga ndi umo Uadada vanditemwera Ine, ndimo nane ndamutemwerani imwe: khalirirani mu kutemwa kwane. —Yohane 15:9

Thandazgani Mazgu Mu Charu

Chose

Yohane 20:21

Nteura Yesu wakatiso kwa ivo, Mtende uve namwe: umo Uadada vakanditumira Ine ndimo nane nkumutumirani imwe.

I. Uatesalonika 2:12

Mwakuti mwendenge kwa-kwenerera Ciuta, Uyo wakumu-cemerani mu Ufumu na mu uci-ndami wa Mweneco.

II. Yohane 1:9

Yose uyo wakujumpapo ndipo kuti wakukhhalirira mu cisa-mbizgo ca Kristu cara, walive Ciuta

Khristu Wizamkuwa Na Mwali Uyo Kuti Wizamupokeka Kwa Iyo Chara

Ngwa mwavi muntu mweneuyo wakuzizipizga ciyezgo: pakuti para warumbika, wati wapokere mpumpu ya umoyo, yeneiyo Fumu yikalayizgana kuvapa avo vakuyitemwa. —Yakobe 1:12

Luka 6:47, 48

Yose uyo wakwiza kwa Ine, na kupulika mazgu yane, na kuyaci-ta, rekani ndimurongorani uyo wakulingana nayo; wakulingana na muntu uyo wakazenga nyu-mba, ndipo wakajima nyaga, na lufura nalo wakafikiska pa ja-rawe: ndipo para ciwowota cikiza, mronga ukatimba comene pa nyu-mba yeneiyo, kweni kuti uka-manya kuyisunkunyiska cara: ci-fukwa yikazengeka makora yene.

Tito 2:13

Na kuti tilindirire cigomezgo cakutumbikika na Kuwoneka mu ucindami kwa Ciuta witu mukuru na Mponoski witu Yesu Kristu.

I. Uakorinte 2:5

Mwakuti cipulikano cinu cireke kuva mu vinjeru vya vantu, kweni mu nkongono za Ciuta.

Uaefeso 2:8-10; 3:20, 21

Cifukwa muli kuponoskeka na ucizi mu cipulikano; ndipo uko kuti nkwa mwavene cara: nca-wanangwa ca Ciuta: kuti nkwa milimo cara, mzire muntu wajikuzge waka. Cifukwa ise tiri ulimi wake, ta vakulengekera mwa Kristu Yesu ku milimo yiweme, yeneiyo Ciuta wakanozgera kale kuti tendenge mwenemumo. Sono kwa Mweneuyo ngwa nkongono kucita comene kwakuruska nkani-ra vyose vyeneivyo tikuromba pa-

nji kuranguruka, kwakuyana na nkongono izo zikucita-cita mwa ise, kwa Iyo kuenge ucinda-mi mu Ekleziya na mwa Kristu Yesu kufikira ku miwiro yose ya muyirayira. Amen.

Uaefeso 4:13

Tisuke tifikire tose ku umoza wa cipulikano, na wa kamanyiro ka Mwana wa Ciuta, ku muntu wakufikapo, ku ciyezgero ca msinku wa uzali wa Kristu.

Uakolose 2:9, 10

Pakuti mwa Iyo kukukhalirira mu thupi uzali wose wa Ciuta, ndipo imwe muli vakukongora mwa Iyo, Mweneuyo ndi Mutu wa ufumu wose na mazaza.

Chifukwa Uli Wakuwika Chitemwa Chake Pa Munthu Wakuwa Ndipo Na Wachigaruka Apo Wangelo Wambula Mapendeko Wakulambara Iyo?

Uahebere 1:6

Ndiposo para wakunjizga Muvere mu caru, wakuti, Ndipo vanangelo vose va Ciuta vamulambi-
rengi.

Uaroma 7:4

. . . mukazgoka vakufwa ku Marango mu thupi la Kristu; mwakuti mutengwe ku Munyake, kwa Mweneuyo wakawuskika ku vakufwa, mwakuti timupambikire Ciuta vipambi.

Uaroma 12:5

Nteuraso nase, ta veneise tiri vanandi, tiri thupi limoza mwa Kristu, ndipo tiri vivaro uyu ca munyake uyu ca munyake.

Mwali Wakutora Umoyo Kufuma Kwa Iyo

I. Yohane 5:12

Uyo wali na Mwana waliso na umoyo: uyo walive Mwana wa Ciuta walive umoyo.

Chitemwa Chose Ncha Mwali

Mweneuyo kuti wakamureka Mwana wake cara, kweni wakamupereka cifukwa ca ise tose, kasi wangarekaso uli kutipa vintu vyose kwawanangwa pamoza na Iyo? —Uaroma 8:32

Mweneuyo wakutonda, nditi ndimupenge kuti wakhale na Ine pa cizumbe cane, nteura umo naneso ndiri kutondera, ndipo ndiri kukhala navo Uadada pa cizumbe cavo. —Civumbuzi 3:21

Msumba Wa Fumu Na Mwali

Uahebere 11:16

Kweni sono vakukhumbiska caru ciweme cakuruska, uko ndiko kuti, cakucanya: nteura Ciuta kuti wali navo na soni cara kucemeka Ciuta wavo: cifukwa wavarongosorera msumba.

Civumbuzi 3:12

Mweneuyo wakutonda, nditi ndimuzgore cifiyiriro mu Tempele

la Ciuta wane, ndipo kuwaro kuti wati wafumirengekoso cara: ndipo nditi ndilembenge pa iyo zina la Ciuta wane, na zina la msumba wa Ciuta wane, Yerusalemu mupya, uwo ukwikha kufuma kucanya kwa Ciuta wane

Civumbuzi 21:2

Ndipo nkawona msumba utuva, Yerusalemu mupya, wakwikhira pasi kufuma kucanya kwa Ciuta, wakunozgeka nga ndi mwali wakutozgekera mfumu wake.

Mba mwavi avo vakusukutura minjirira yavo, mwakuti vave na mazaza kwiza ku Kuni la Umoyo, ndipo kuti vanjire mu msumba pa vipata. —Civumbuzi 22:14

Luka 16:11

Usange nteura imwe mwawura kugomezgeka na usambazi waku-bendera, ndi njani uyo wamkumu-gomezgani na usambazi weneco?

II. Uakorinte 8:9

Cifukwa mukumanya ucizi wa Fumu yitu Yesu Kristu, kuti, nanga wakava musambazi, ndipo uli cifukwa ca imwe wakazgoka mukavu, mwakuti imwe musambazgikire mu ukavu wake.

Wakuti, Nkumanya suzgo yako na ukavu wako (kweni uli musambazi) . . . —Civumbuzi 2:9

Pulikizgani, mwa vabali vane vakutemweka; asi Ciuta wakasora avo mbakavu mu caru, kuti

vave vasambazi mu cipulikano, na vahariri va Ufumu uwo wakalayizgana kuvapa avo vakumutemwa? —Yakobe 2:5

Urwani Mu Usambazi Wa Charu

I. Timote 6:17-19

Layizga avo mbasambazi mu nyengo yino ya lero, kuti vareke kujikuzga, nesi kugomezga usambazi wambura kucinta, kweni vagomezge Ciuta, Mweneuyo wakutipa vyose vyakuzara na kuzara vyakutikondweska; uvalangule kuti vacite uweme, kuti vavenge vasambazi mu milimo yiwe-me, kuti vavenge mcanya kale kugavana na vanyavo, ndipo kuti vaperekenge na mwampu.

34 Icho Usambazi Wenecho Ukung'anamula Kwa Ine

Uafilipi 3:21

Mweneuyo wati walizgore thupi la kuyuyurika kwitu, kuti lilinganizgike na thupi la ucindami wake, kwakuyana na kacitiro ako wangamanya kulambikira nako vyose kwa Mweneco.

Na kuwonga Uawiske, veneavo vakatenereska kusangana cihariro ca vatuva mu kungweruka. Ndivo vakatiponoska ku mazaza ya cisi, ndipo vakatambuskira ku Ufumu wa Mwana wa kutemwa kwavo. —Uakolose 1:12, 13

Milimo 20:32

Ndipo sono nkumukorezgani kwa Ciuta, na ku mazgu ya ucizi wake, ayo nga nkongono kumuze-

ngani, na kumupani ciharo mu vakutuviskika vose.

Uakolose 3:4

Penepapo Kristu, Uyo mbumoyo witu, wizamkuwoneka, ndipo namweso mwizamkuwonekera nayo pamoza mu ucindami.

Uaefeso 3:6 na 8

Cakuti Uamitundu mbahariri vamoza, na vivaro vimoza vya thupi, na vakusangana va cilayizgano ca mwa Kristu Yesu mu ivangeli . . . Cawanangwa ici cikaninkika kwa ine, nda mucoko ku vacoko comene va vose vatuva, cakuti ndipharazge ku Uamitundu usambazi wambura mapenje-ko wa Kristu.

Masalmo 32:11

Kondwani mwa Yehova, sekere-rani imwe mwa varunji, pomani na cimwemwe, mose imwe mwa vakunyoroka mu mtima.

Uafilipi 4:4

Kondwerani mu Fumu nyengo zose: ndiwerezgeso, Kondwani.

II. Uakorinte 4:17

Cifukwa suzgo yitu yiyuyu, iyo nja kanyengo kacokovi, yikuticitira kwakuruska comene nkanira uzitu wa ndanda wa ucindami.

Luka 10:20

Ndipo uli mungasekereranga na ici, kuti mizimu yikumulambirani; kweni sekererani kuti mazina yinu yali kulembeka kucanya.

Kweni vose avo vakumupenjani Imwe vasekerere na kukondwa mwa Imwe; avo wakutemwa ciponosko cinu vanenenge mazuva yose, "Mukuru-kuru, ndiye Yehova!" —Masalmo 40:16

Masalmo 5:11

Kweni vakondwe vose avo wakumugomekezgani, vape kupinga mazuva yose; muvavikirire, mwakuti avo vakumutemwani vakondwenge mu zina linu.

Sekerera comene, mwanamwanakazi wa Zion! Cemerezga, mwanamwanakazi wa Jerusalem! Wona, themba lako likwiza kwa iwe; ngwaurunji ndipo wali na ciponosko . . . —Zekariya 9:9

Kasi Mukanenge Lusungu Lwake Kwa Muyirayira Swii?

Zintharika 8:36

Kweni uyo wakundinangira wakunangira mzimu wake na wake.

Uahebere 12:25

Cenjerani, rekani kukana Uyo wakuyowoya. Cifukwa usange vara vakawura kuphokwa, para vakakana Uyo wakavasokanga pa caru, na kwenekwene ise, ta veneise tikumurazga nkonyoro Uyo wakusoka kucanya.

Limbalingani kunjira pa muryango ufinyi: pakuti nkumunerani, vanandi vati vakhumbenge kunjirapo, ndipo vatondekenge. Para Mwene-nyumba wawuka, ndipo wajarako ku murya-

ango, ndipo mukwamba kwimirira kuwaro, na kukhuguska ku lwi-ji, na kuti, Fumu, tijuriraniko; ndipo yizgorenge na kunena namwe, Ndirive kumumanyani uko mwafuma. —Luka 13:24, 25

II. Uatesalonika 2:10-12

Ndipo na kupusika kose kwa kubendera; cifukwa kutemwa kwa unenesko vakawura kukupokerera mwakuti vaponoskeke. Ndipo cifukwa ceneici Ciuta wakuvatumizga usovyi, kuti vapulikane na utesi: mwakuti vasusikike vose avo vakawura kupulikana na unenesko, kweni vakakondwa na kubendera.

*Wakuzura Na Zakwananga,
Wakweruzgika*

Wakupulikana na Iyo kuti wakweruzgika cara: wakureka kupulikana weruzgika kale, cifukwa walive kupulikana na zina la Kananda wa Ciuta. —Yohane 3:18

Uahebere 10:26, 27

Cifukwa usange tikwanangira ncene tati tapokerera kamanyiro ka unenesko, kuti kwakhalakoso cara sembe ya zakwananga, kweni wofi wa ceruzgo cakwiza, na kuceruka kwa ukali uwo wizamkumyangura vampindikwa.

Uyo wakundikana, ndipo wakureka kupokera mazgu yane, wali na uyo wakumweruzga: mazgu

ayo nkayowoya, ndiyo yati yamweruzgenge pa zuva la kumarira. —Yohane 12:48

*Wakutemweka Ndipo Na
Wakupenjeka*

I. Yohane 4:9

Mu ceneici ndimo kutemwa kwa Ciuta kukavumbulika mwa ise, cakuti Ciuta watuma mu caru Mwana wake Kananda, mwakuti tivenge na Umoyo mwa Iyo.

Ndipo Mzimu na Mwali vakuti Zanga. Ndipo mweneuyo wakupulika watenge, Zanga. Ndipo mweneuyo wali na nyota, wizenge: mweneuyo wakukhumba, watore Maji ya Umoyo kwawanganwa. —Civumbuzi 22:17

*Mbuchindere Kukweŵeskeka Na
Satana Mu Gehena Kwamuyirayira
Apo Mphanyi Wanguŵa Mu Chi-
kondwewero Chambula Mayowoye-
ko Mwa Khristu Kusangana Nayo
Mpando Wake Wakuchanya
Muyirayira!*

Mzereza wati mu mtima wake,
“Ciuta kulije.” . . . —Masalmo 53:1

Mateyu 7:26, 27

Ndipo yose uyo wakupulika ma-
zgu yane yeneaya, na kureka ku-
yacita, wati walingane na muntu
wakupusa, mweneuyo wakazenga
nyumba yake pa mcenga: ndipo
yikarokwa vura, yikatula miro-
nga, zikaputa mpepo, ndipo vika-
gunda nyumba yeneiyo; ndipo yi-

kabwanganduka: ndipo kubwa-
nganduka kwake kukava kukuru.

Yeremiya 17:11

Nga ndi nkwali yikufukatira
vana avo yikawura kukonkomora
masumbi yavo, ndimo waliri uyo
wakupokera cuma kwambura uru-
nji; wati waciside mwa mazuva
mukatikati, ndipo umaliro wake
wati wave cindere.

Fumu yikanena nayo, Sono
imwe mwa Ufarisi mukusuka
nkombo na ngwembe kuwaro;
kweni mukati mwinu muli kuzura
na kukwapula na uheni. Mwa va-
kupusa imwe, asi uyo wakalenga
kuwaro ndiyo wakalenga na mu-
kati wuwo? —Luka 11:39, 40

*Uko Wose Awo Wakukana Fumu
Ya Uchindami Wakwenera Kuluta*

Uahebere 6:8

Kweni usange cikupambika mingga na mitunguja, cikupatika ndipo ciri pafupi na kutembeka; ico umariro wake nkoceka.

Civumbuzi 14:11

Ndipo josi la kukweveka kwavo likusunkira muyirayira swi; ndipo kupumula valive muhanya na usiku, avo vakulambira Cikoko na cikozgo cake, na uyo yose wakupokera lusimbo lwa zina lake.

Mateyu 13:41, 42

Mwana wa Muntu wati watumenge vangelo vake, ndipo vati

vayorengemo mu Ufumu wake vyose ivyo vikukhuvazga, na avo vakucita ucikana-marango; ndipo vati vavaponyenge mu njano ya moto: mwenemumo muti muvenge kulira na kuska mino.

Uafilipi 3:18, 19

... kuti mbalwani va mpinjika ya Kristu: veneavo umariro wavo ndi paraniko

Chiuta Ngwakunweka Kuchita Mithondwe Mwakuti Watisunge Ise Kuti Tileke Kuluta Ku Pharaniko, Nga Ndi Kwimikana Na Gehena Mumalo Mwa Ise, Kutonda Nyifwa Ya Mutatakuya Swii, Ndipo Na Kukwukaso Mwakuti Ise Tisange Uchivindwe Na Umoyo Mwa Iye.

Fumu Ya Mafumu Yizamumuwika Satana Mu Gadi

Ndipo nkawona mungelo wakwikha kufuma kucanya, wakuva na cijuriro ca cizongwe na unyoro ukuru mu woko lake. Ndipo wakacikora Cinjoka cira, njoka ya ciyambwaka, ico ndi Musesi na Satana ndipo wakacikaka myaka cikwi, ndipo wakaciponya mu cizongwe, ndipo wakajarapo na kudidimizgapo pacanya, mwakuti cireke kupusikaso mitundu yisuke yimare myaka cikwi: apo ndipo cikwenera kusutulika kanyengo kackoko waka. —Civumbuzi 20:1-3

Civumbuzi 20:7 na 10

Ndipo para myaka cikwi yamara, Satana wati wasutulikenge

mu vikondo vyake, . . . Ndipo Satana uyo wakavapusika wakaponyeka mu Nyanja ya moto na sulufure, mwenemumoso muli Ciko ko cira na Mprofeti mutesi, ndipo vati vakweveskekenge muhanya na usiku muyirayira swi.

*Uchivindwe Wakufikapo Ndipo Na
Wamuyirayira pa Satana*
Uahebere 2:14

Nteura cifukwa vana mbakwambulako ndopa na thupi, Iye nayoso kwakulingana wakwambulako vyeneivyo; mwakuti mu nyifwa wamuzgore wa waka mweneuyo wakava na nkongono za nyifwa, ndiyo Satana.

Dumulani Sono Uyo Mumuteweterenge Kwa Muyivayira

41

Palive muntu wakumanya kutevetera vene-ncito uvaviri: cifu kwa panji wati watinkenge munyake, ndipo wati watemwenge munyake: panji wati waskeperrane na munyake, ndipo wati wamusunjizge munyake. Mulive kumanya kutevetera Ciuta na Usambazi. —Mateyu 6:24

Kwa veneavo Ine nkukutuma, kuya kajura maso yavo, mwakuti vajanamukeko ku cisi kwiza ku ungweru, na ku nkongono za Satana kwiza kwa Ciuta, mwakuti vapokere kugowokereka kwa zakwananga, na ciharo mwa avo mbakutuviskika na cipulikano ca

mwa Ine. —Milimo 26:18

Yesu wakavazgora, Inya, inya nadi, nkumunenerani, Muntu yose uyo wakucita uheni ndi muzga wa uheni. Ndipo muzga kuti wakukhalirira mu nyumba muyirayira cara: mwana ndiyo wakukhalirira muyirayira. Nteura usange Mwana wamkumuzgorani vanangwa, muti muvenge vanangwa nadi. —Yohane 8:34-36

Kweni vofi, na vambura cipulikano, na va nthonto, na vikozi, na vzayali, na zifwiti, na vakusopa vikozi, na vatesi vose, cigava cavo citi civenge mu Nyanja iyo yikugolera na moto na sulefu; iyo ndi Nyifwa Yaciviri. —Civ. 21:8

42 Maji Ghamoyo Ghakufuma Kumalundi Ghane

Yesu wakazgora na kunena nayo, Nga umanyenge cawana-ngwa ca Ciuta na Mweneuyo wakuti kwa iwe, Undipeko maji ndimwe, mphanyi wamuomba, ndipo Iye mphanyi wakupako maji yamoyo.
—Yohane 4:10

Civumbuzi 22:1-3

Ndipo wakandirongora mronga wa Maji ya Umoyo, wakuje-duka nga ndi galasi, ukufuma ku cizumbe ca Ciuta na ca Mwana-mberere, mukati mu mseu wake. Ndipo sirya lino la mronga na sirya lira kukava Kuni la Umoyo, lakupambika vipambi khumi na viviri, mwezi uwu na uwu vipambi vyake: ndipo mahamba ya kuni

ngakucizgira mitundu. Ndipo thembo liti livengekoso cara: ndipo cizumbe ca Ciuta na ca Mwana-mberere citi civenge mwenemumo

Yohane 7:37

Yesu wakimirira na kuce-merezga, wakati, Usange muntu wali na nyota, wize kwa Ine, ndipo wamwe.

Civumbuzi 7:17

Cifukwa Mwana-mberere Mweneuyo wali mu cizumbe mukati wizamkuvaliska, ndipo wizamkuvarongozgera ku mbwiwi za maji ya Umoyo: ndipo Ciuta wizamkufyura nkanira masozi yose ku maso yavo.

Mateyu 6:33

Kweni penjani nanga Ufumu wake, na urunji wake; ndipo vyose vyeneivi viti visazgikirengeko kwa imwe.

Duteronome 4:29

Kweni mutimupenje Yehova Ciuta winu mucali kura, na kumusanga, usange mukumupenja na mitima yinu na moyo winu wose.

Zintharika 8:17

Nkuvatemwa avo vakunditemwa ndipo avo vakundipenjisisika tivandisange.

Luka 11:9

Ndipo Ine nkumunenerani, Romhani, ndipo kuti kupikenge kwa

imwe; penjani, ndipo muti musangenge; khujuskani, ndipo kuti kujurikirenge imwe.

Mujisevere mu urunji, vunani cipasi ca lusungu; limani malongo yinu, pakuti ndi nyengo yakupenja Yehova, mwakuti wize na kulokweska urunji pacanya pinu. —Hoseya 10:12

Yesaya 55:6

“Penjani Yehova penepapo Iye wangesangika, cemani kwa Iye apo wacali pafupi.”

Masalmo 86:12

Nkumuwongani, A Yehova, Ciuta wane, na mtima wane wose, ndipo tindicindamiske zina linu muyirayira swi-i.

Civumbuzi 21:9-11 na 22-24

... wakati, Iza kuno nditi ndi-
kurongorenge Mwali, muwoli wa
Mwana-mberere. Ndipo waka-
ndiyeya mu Mzimu kuya nane ku
lupiri lukuru lutali, ndipo wa-
kandirongora msumba utuva, Ye-
rusalemu, wakwikha kufuma
kucanya kwa Ciuta, wakuva na
ucindami wa Ciuta: . . . Ndipo kuti
nkawonamo tempele cara: cifu-
kwa tempele lake ndi Fumu Ciuta
Mwene-nkongonozose ná Mwana-
mberere. Ndipo msumba ulive
kukavuka dazi, nanga ndi mwezi,
kuti viwualire: cifukwa ucindami
wa Ciuta ukawungweruska, ndi-
po muliko wake ndi Mwana-mbe-

rere. Ndipo mitundu yiti yende-
nge mu kungweruka kwake . . .

Civumbuzi 19:6-9

... Aleluya: pakuti Fumu Ciuta
witu Mwene-nkongono-zose, wa-
kuvusa. Tisekerere ndipo tipinge
comene, ndipo timucindike: pa-
kuti nthengwa ya Mwana-mbe-
rere yafika, ndipo muwoli wake
wali mcanya kale. Ndipo wakazo-
merezgeka kuti wajivwarike na
bafuta wakugabuka na wakuto-
wa: cifukwa bafuta ndi milimo
yakunyoroka ya vatuva. Ndipo
wakanena nane, Lemba, Mba
mwavi avo vali kucemekera ku
mugonero wa nthengwa ya Mwa-
na-mberere. —Civumbuzi 19:6-9

Kasi Ngwa Mtundu Uli Mwali Wa Chiuta? 45

Ngwakujipereka Kwa Iyo

... kweni mujipereke kwa Ciuta nga mbamoyo kufuma ku vaku-fwa, ndipo vivaro vyinu navyo mupereke kwa Ciuta nga ndi mahomwa ya urunji. —Uaroma 6:13

Wakutemwa Mwene Nthengwa

Ucizi uvenge na vose avo vakutemwa Fumu yitu Yesu Kristu na kutemwa kwambura kuvukupara. —Uaefeso 6:24

Nchiwâro Chake

Pakuti tiri vivaro vya thupi lake. —Uaefeso 5:30

... mwakuti na vyeneivi muve vakusangana kaviro ka Ciuta . . . —II. Petros 1:4

Ngwakuzura Na Chitemwa Chakupatulika

Kweni uyo wakusunga mazgu yake, mwa iyo nadi kutemwa kwa Ciuta kwafiskika. . . .

—I. Yohane 2:5

Ngwambula Banga

Cifukwa ceneici, mwa vakutemweka, apo mukulindirira vyeneivi, mupampukire kuti mwizekasangika mu mtende, vambura kabanga na kamrandu pa maso pake. —II. Petros 3:14

Waŵenge Na Uchizi Wakuzara

... muzize ndipo muvike nkani-ra cigomezgo cinu pa ucizi uwo uti utorekere imwe pa kuvumbukwa kwa Yesu Kristu. —I. Petros 1:13

Fumu Yikuphwanya Uchigaluka Wa Mu Charu Chose

Civumbuzi 17:14

Ueneavo vizamkurwa na Mwana-mberere, ndipo Mwana-mberere, wizamkuvatonda . . .

Civumbuzi 18:21

Ndipo mungelo yumoza wa mankharo wakatora libwe, nga ndi lwara lukuru, ndipo wakaliponya mu nyanja, wakati, Nteura ndimo bwangandu! Babulone, msumba ukuru wura, wati wabwangandukire pasi, ndipo kuti wamkusanjikaso na kacoko cara.

II. Uatesalonika 2:8

Ndipo penepapo wati wavumbukwe wacikana-marango yura,

mweneuyo Fumu Yesu wizamkumumyangula na mvuci wa mlomo wake, na kumuparanya na Kuwoneka kwa Kwiza kwake.

Zekariya 14:12

Iyi yamkuva ntenda-ciwowota yeneiyo Yehova wamkutimba nayo mitundu yose iyo yikurwa na Jerusalem; nyama yavo yamkuvunda uku vacali kwima pa marundi yavo . . .

I. Uakorinte 15:24

Penepapo kukwiza umariro, para wati wapereke Ufumu kwa Ciuta Uawiske; para wamarizga ufumu wose na mazaza yose na nkongono.

... Ufumu wa caru wazgoka wa Fumu yitu na wa Kristu wake: ndipo yiti yivusenge muyirayira swi. —Civumbuzi 11:15

Civumbuzi 5:9, 10

... Uakwenerera ndimwe kutora buku, Na kubanula vididimizgo vyake; Pakuti mukakomeka, Ndipo mukavawombolera kwa Ciuta na ndopa zinu Ua mu fuko lose ... Ndipo mukavazgora vave Ufumu na vasofi kwa Ciuta witu, Ndipo vakuvusa pa caru.

... ndipo nkawona mizimu ya avo vakadumulika mitu cifukwa ca cipanikizgo ca Yesu, na cifukwa ca mazgu ya Ciuta, na avo vakawura kusimbika na lusimbo

pa cene cavo na pa woko lavo; ndipo vakava vamoyo, ndipo vakavusa pamoza na Kristu myaka cikwi. —Civumbuzi 20:4

Mateyu 6:10

Ufumu winu wize. Khumbo linu licitike pano pasi, nga nkucanya.

Mateyu 5:5

Mba mwavi vakuzika: pakuti ndivo vati vaharengi caru.

Civumbuzi 20:6

Ngwa mwavi na mutuva mwe-neuyo wali na cigava mu Ciwuka Cakudanga: pa ku veneava Nyifwa Yaciviri yirive mazaza; kweni vati vavenge vasofi va Ciuta na va Kristu, ndipo vati vavusenge nayo pamoza myaka cikwi.

48 Umoyo Wamuyirayira Na Mwene Nthengwa

Masalmo 145:1

Ndimucindikeninge, Ciuta wane, Yehova, na kutumbika zina linu muyirayira swi-i.

Uadada, veneavo mwandipa, nkukhumba kuti uko ndiri Ine, ndiko navoso vakavenge nane —Yohane 17:24

Civumbuzi 21:3, 4

. . . Ehena, hema la Ciuta liri na vantu, ndipo wati wakhalenge navo, ndipo ivo vati vavenge vantu vake, ndipo Ciuta Iyo wati wavenge pamoza navo, na kuva Ciuta wavo: ndipo wati wafyurenge sozi lose ku maso yavo; ndipo nyifwa kuti yiti yivengekosa cara; panji nesi citengero kuti citi ci-

vengekoso cara, nesi kulira, panji nesi kuvinya: cifukwa vyakudanga viri kuruta.

. . . ndipo avo mbakufwira mwa Kristu vati vavukenge danga: sono ise ta vamoyo, ta vakukhalirira, titi tikwapulikire pamoza na ivo mu mabingu, kuya kaku mana na Fumu mu dera: ndipo nteura tamkukhala na Fumu muyirayira.—I. Uatesalonika 4:16, 17

Civumbuzi 22:5

Ndipo kuti kuvengeso usiku cara; ndipo valive kukavuka kungweruka kwa lumuli na kungweruka kwa dazi, pakuti Fumu Ciuta wati wavavalirenge: ndipo vati vavusenge muyirayira swi.

Yesu Wakuti:

“Mweneuyo wakatonda, nditi ndimupenge kuti wakhale na Ine pa cizumbe cane, nteura umo naneso ndiri kutondera, ndipo ndiri kukhala navo Uadada pa cizumbe cavo.” —Civumbuzi 3:21



**Mwa Yesu Ndimo Nkhuthumbwira!
Uyo Wakufikapo Wakundichema, Ndipo Nkhwenera Kuluta,
Mpaka Ku UCHIVINDWE!**

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc.
P.O. Box 120
New Paris, Indiana 46553-0120 USA